



07543

文獻通考卷第十

鄱 陽 馬 端 臨

貴 平 心 與

書 著 乘

而 濟 圖 而 濟 圖

戶口考一

歷代戶口丁中賦役

夏禹平水土爲州人口千三百五十五萬三千九百二十三塗山之會諸侯執玉帛者萬國及其喪也諸侯相兼逮湯受命其能存者三千餘國方於塗山十損其七周武王定天下列五等之封凡千七百七十三國又滅湯時千三百國人衆之損亦如之周公相成王致理刑措人口千三百七十萬四千九百二十三此周之極盛文獻通考 卷十 戶口 一

也 小司徒之職掌建邦之教法以稽國中及四郊都鄙之夫家九比之數以辨其實賤老幼廢疾凡征役之施舍與其祭祀飲食喪紀之禁令 鄭司農云九比謂九夫爲出九賦者 乃會萬民之卒伍而用之五人爲伍五伍爲兩四兩爲卒五卒爲旅五旅爲師以起軍旅以作田役 乃均土地以稽人民而周知其數上地家七人可任也

者家三人中地家六人可任也者二家五人下地家五人可任也者家二人 可任謂丁強任力役之事者出老者以其餘男女強弱相半其大數

凡起徒役毋過家一人以其餘爲羨唯田與追胥竭作
羨饒也田謂獵也追
追寇賊也竭作盡行

鄉大夫以歲時登其夫家之衆寡辨其可任者國中自
七尺以及六十野自六尺以及六十有五皆征之其舍

者國中貴者賢者能者服公事者老者疾者皆舍以歲
時入其書

征之給公上事也國中城郭內年十五以下
爲六尺二十爲七尺國中晚賦而早免之以
其所居復多役少野早賦
而晚免之以其復少役多

朱子語錄曰問周制都鄙用助法八家同井鄉遂
用貢法十夫有溝鄉遂所以不爲井者何故曰都

鄙以四起數五六家始出一人故甸出甲士三人
文獻通考

卷下

戶口

二

步卒七十二人鄉遂以五起數家出一人爲兵以
守衛王畿役次必簡故周禮惟挽柩則用之此役
之最輕者

山齋易氏曰近郊之民王之內地共輦之事職無
虛月追胥之比無時無之故七尺而征六十而舍

則稍優於畿外非姑息也遠郊之地王之外地也
其溝洫之制各有司存野役之起不及其羨故六

尺而征六十五而舍則稍重於內地非荼毒也園
廛二十而一若輕於近郊也而草木之毓夫家之

聚不可以擾擾則不能以寧居是故二十而稅一

漆林二十而五若重於遠郊也而器用之末作商賈之資利不可不抑不抑則必至於忘本是二十而五繫近郊遠郊勞佚所繫

載師凡民無職事者出夫家之征

夫稅者百畝之稅家稅者出土徒車輦給

徭役橫渠張氏曰夫家之征疑無過家一人者謂之夫餘夫竭作或三人或二人或二家五人謂之家

閭師凡無職者出夫布

民無職者一而已載師出夫家之征閭師止言出

夫布何也載師承上文宅不毛田不耕之後乃示

罰之法也閭師承上文九職任民之役乃常法也

均一無職之民而待之有二法何也蓋古人於游

文獻通考

卷下

戶口

三

惰不耕及商賈末作之人皆於常法之外別立法以抑之如關市或譏而不征或征之譏者常法也征者所以抑之也閭民或出夫布或并出夫家之征夫布其常也并出夫家所以抑之也夫家解當如橫渠之說鄭注謂令出一夫百畝之稅則無田而所征與受田者等不幾太酷矣

遂大夫以歲時稽其夫家之衆寡六畜田野辨其可任者與其可施舍者掌其政令禁戒司民掌登萬民之數自生齒以上皆書於版辨其國中與其都鄙及其郊野異其男女歲登下其死生及三年大比以萬民之數詔

司寇司寇及孟冬祀司民之日獻其數於王王拜受之

登於天府內史司會冢宰貳之以贊王治三官以貳佐王治者當以

民多少黜陟均人掌均人民牛馬車輦之力政政讀為政讀為

則治城郭塗巷溝渠牛馬車輦轉委積之屬凡均力政以歲上下豐年則公

旬用三日焉中年則公旬用二日焉無年則公旬用一

日焉旬均也凶札則無力政

王制用民之力歲不過三日

宣王既喪南國之師敗於姜戎是也乃料民於太原

仲山甫諫曰民不可料也夫古者不料民而知其多

少司民協孤終掌民數者無父曰孤終死也司商協民姓掌賜族受姓之

文獻通考

卷千

戶口

四

官司徒協旅合師司寇協姦刑官知死牧協職牧養犧牲

合其物色之數工協革百工之官更場協入場圖黍稷之數廩協出

廩人掌九穀出用之數是則少多死生出入往來者皆可也

於是乎又審之以事專謂國籍田蒐狩簡知其數王治農於籍蒐

於農隙耨穫亦於籍獮於既烝狩於畢時烝秋時畢冬時是

皆習民數者也又何料焉不謂其少而大料之是示

少而惡事也言王不謂其衆少而大料數之是示臨以寡少又厭惡政事不能修之意也

政示少諸侯避之治民惡事無以賦令且無故而料

民天之所惡也害於政而妨於後嗣王卒料之及幽

王乃廢滅

平王東遷三十餘年莊王十三年齊桓公二年五千里外非天子之御自太子公侯以下至於庶人凡千一百九十四萬一千九百二十三人

戰國之時考蘇張之說計秦及山東六國戎卒尙餘五百餘萬推人口數尙當千餘萬秦兼諸侯所殺三分居一猶以餘力北築長城四十餘萬南戍五嶺五十餘萬阿房驪山七十萬三十年閒百姓死沒相踵於路陳項又肆其酷烈新安之阬二十餘萬彭城之戰睢水不流漢高帝定天下人之死傷亦數百萬是以平城之卒不過三十萬方之六國十分無三

文獻通考

卷十

戶口

五

右杜氏通典所考東遷以後漢初戶口數目大約如此

秦用商鞅之法月爲更卒已復爲正一歲屯戍一歲力役三十倍於古

更卒謂給郡縣一月而更者正卒謂給中都官者也

漢興循而未

改

漢高祖四年八月初爲算賦

漢儀注人年十五以上至五十六出賦錢人百二十

爲一算爲治庫并車馬

按戶口之賦始於此古之治民者有田則稅之有

身則役之未有稅其身者也漢法民年十五而算

出口賦至五十六而除二十而傅給徭役亦五十

六而除是且稅之且役之也

十一年詔曰欲省賦甚今獻未有程吏或多賦以為獻而諸侯王尤多民疾之令諸侯王通侯常以十月朝獻及郡各以口數率人歲六十三錢以給獻費據四年算賦減其半也

更賦如淳曰更有三品有卒更有踐更有過更古者正卒無常人皆當迭為之一月一更是為卒更也貧者欲得雇更錢者次直者出錢雇之月二千是為踐更也天下人皆直戍邊三日亦名為更律所謂繇戍也雖丞相子亦在戍邊之調不可人人自行三日戍又行者當自戍三日不可往便還困便任一歲一更諸不行者出錢三百入官官以給戍者是為過更也律說卒踐更者居也居更縣中五月乃更也後從尉律卒踐更一月休十一月也食貨志曰月為更卒已復為正一歲屯戍一歲力役三十倍於古此漢初困秦法而行後遂改易文獻通考
卷千
戶口
六

有諱乃戍
邊一歲耳
惠帝六年令民女子年十五以上至三十不嫁五算漢律人出一算算百二十錢唯賈人與奴婢倍算今使五算罪諱之也

文帝偃武修文丁男三年而一事民賦四十常賦歲一事每算百二十時天下民多故
三歲一事賦四十也

吳以銅鹽故百姓無賦卒踐更輒予平賈
景帝二年令天下男子年二十始傅傅著也言著名籍給公家徭役

徐氏曰按高紀發關中老弱未傅者悉詣軍如淳

曰律年二十三傅之疇官高不滿六尺二寸以下

為痲癰漢儀注民年二十三為正一歲為衛士一

歲爲材官騎士習射御馳戰陳年五十六乃免爲庶民就田里則知漢初民在官三十有三年也今景帝更爲異制令男子年二十始傅則在官三十有六年矣

昭帝建元元年詔民年八十復二算

二口之算也

元封元年行所巡縣無出今年算

武帝元鳳四年詔母收四年五年口賦

漢儀注民年七歲至十四出口

賦錢人二十三二十錢以食天子其三錢武帝加口錢以補車騎馬

三年以前逋更賦未

入者勿收

更賦注見上

按算賦十五歲以上方出此口賦則十五歲以前

文獻通考

卷二十

戶口

七

未算時所賦也

元平元年詔減口賦錢有司奏請減什三上許之

宣帝地節三年流民還歸者且勿算事

甘露元年減民算三十

一算減錢三十也

五鳳三年減天下口錢

按漢始有口賦然頗輕於後代至昭宣時又時有減免且令流民還歸者勿算故其時膠東相王成遂僞增上流民自占八萬餘口以蒙顯賞則以流徙者算數既除州郡無逋負之責可以容僞故也

元帝時貢禹請民年二十乃算

禹以爲古民亡賦算口錢起武帝征伐四夷重賦於
民民產子三歲則出口錢故民重困至於生子輒殺
宜令民七歲去齒乃出口錢年二十乃算天子下其
議令民產子七歲乃出口錢自此始

成帝建始元年減天下賦錢算四十

惠帝卽位令吏六百石以上父母妻子與同居及故吏
嘗佩將軍都尉印將兵及佩二千石官印者家唯給軍
賦他無所與

同居謂同籍同財也

貨殖傳秦漢之制列侯封君食租稅茂率戶二百千戶
之君則二十萬朝覲聘享出其中庶民農工商賈率一

文獻通考

卷之十

戶口

八

歲萬息二千戶百萬之家卽二十萬而更繇租賦出其
中衣食好美矣

按漢法有口賦有戶賦口賦則算賦是也戶賦見
於史者惟此二條貨殖傳所言則是封君食邑戶
所賦然則地土之不以封者縣官別賦之歟抑無
此賦也庶民農工商賈以下似是百戶賦二十與
上懸絕殊不可曉又謂之息二千豈官每戶貸以
一文而萬戶取其息二千乎當考

漢自高祖訖於孝平民戶千二百二十三萬三千六十
二口五千九百五十九萬四千九百七十八漢極盛矣

漢之戶口至元始二年最王莽篡位以周官稅民凡田

為殷盛故志舉之以為數不耕者為不殖出三夫之稅城郭中宅不樹藝者為不

毛出三夫之布民浮游無事出夫布一疋其不能出布

者宄作宄散也人勇反縣官衣食之

世祖建武二十二年地震壓死者其口賦逋稅勿收

明帝即位九月發天水三千人討叛羌復是歲更賦

永平五年復元氏田租更賦六歲

永平九年徙朔方者復口算

章帝元和元年人無田徙他界者除算三年

二年詔曰令人之有產子者復勿算三歲令諸懷妊者

文獻通考

卷三

戶口

九

賜貽養穀人三斛復其夫勿算一歲著以為令

和帝永元五年流民就踐還歸者復一歲田租更賦

安帝永初四年除三年過更口算

元初元年除三輔三歲更賦口算

順帝永建五年郡國貧人被災傷者勿收責今年過更

陽嘉元年勿收更租口賦

永和四年除太原民更賦金城隴西地震災甚者勿收

口賦

桓帝永壽元年復泰山琅瑯更算

光武中元二年戶四百二十七萬九千六百三十四口

二千一百萬七千八百二十

明帝永平十八年戶五百八十六萬百七十三口三千四百一十二萬五千二十一

章帝章和二年戶七百四十五萬六千七百八十四口四千三百三十五萬六千三百六十七

和帝永興元年戶九百二十三萬七千一百一十二口五千三百二十五萬六千二百二十九

安帝延光四年戶九百六十四萬七千八百三十八口四千八百六十九萬七百八十九

順帝建康元年戶九百九十四萬六千九百一十九口
文獻通考 戶口 十

四十九百七十三萬五百五十四
沖帝永嘉元年戶九百九十三萬七千六百八十口四

千九百五十二萬四千一百八十三
質帝本初元年戶九百三十四萬八千二百二十七口

四十七百五十六萬六千七百七十二
右郡國志注伏無忌所記每帝崩輒記戶口及墾

田大數列於後以見滋減之差 墾田數見田賦門 光武中

興之後三十餘年所附養至末年戶數僅及西都

孝平時四分之一兵革之禍可畏哉嗣是累朝休

養生息每每增羨固其理也但沖質二帝享國各

止一年二年之間史所載無大兵革饑饉而永嘉
戶數損於建康一萬本初戶數損於永嘉五十八
萬有奇殊不可曉豈紀錄之誤邪

桓帝永壽二年戶千六百七萬九百六口五千六萬六
千八百五十六

右東都戶口極盛之數此繫後漢書郡國志所載
如通典則以爲戶千六十七萬七千九百六十口
五千六百四十八萬六千八百五十六戶少於漢
書五百三十八萬有奇口多於漢書六百四十二
萬有奇未知孰是

文獻通考

卷之十

戶口

七

靈帝遭黃巾之亂獻帝罹董卓之難大焚宮廟劫御西
遷京師蕭條豪傑並爭郭汜李傕之徒殘害又甚是以
興平建安之際海內荒廢天子奔流白骨盈野故陝津
之難以箕撮指安邑之東后裳不全遂有戎寇雄雌未
定割剝庶民三十餘年及魏武剋平天下文帝受禪人
衆之損萬有一存

魏武據中原劉備割巴蜀孫權盡有江東之地三國鼎
立戰爭不息魏氏戶六十六萬三千四百二十三口四
百四十三萬二千八百八十一

漢昭烈章武元年有戶二十萬男女九十萬蜀亡時戶

二十八萬口九十四萬帶甲將士十萬二千吏四萬
吳赤烏三年戶五十二萬男女口二百三十萬吳亡時
戶五十三萬吏三萬二千兵二十三萬男女口二百三
十萬後宮五千餘人

劉昭補注後漢郡國志注曰魏景元四年與蜀通
計民戶九十四萬三千四百二十三口五百三十
七萬二千八百九十一又按正始五年揚威將軍
朱照日所上吳之所領兵戶凡十三萬二千推其
民數不能多蜀矣昔漢永和五年南陽戶五十餘
萬汝南戶四十萬方之於今三帝鼎足不逾二郡
文獻通考

卷之十

戶口

三

加有食祿復除之民凶年饑疾之難且可供役裁
足一郡以一郡之用供三帝之用斯亦勤矣

魏武帝初平袁氏定鄴都制賦戶絹二疋縣二斤

見田賦門

晉武帝平吳之後制戶調之式丁男之戶歲輸絹三疋
縣三斤女及次丁男爲戶者半輸其諸邊郡或三分之
二遠者三分之一夷人輸資布戶一匹遠者或一丈
占田數見田賦門 男女年十六已上至六十爲正丁十五以下至
十三六十一以上至六十五爲次丁十二以下六十六
以上爲老小不事

蜀李雄薄賦其人口出錢四十文巴人謂賦爲資因

爲名焉賚之名舊矣其賦錢四十則起於李雄也
晉武帝太康元年平吳之後九州攸同大抵編戶二百
四十五萬九千八百四口千六百一十六萬三千八百
六十三此晉之極盛也

後趙石勒據有河北初文武官上疏請依劉備在蜀
魏王在鄴故事魏王卽曹公以河內魏絳等十一郡
并前趙國合二十四戶二十九萬爲趙國前秦苻堅
滅前燕慕容暉入鄴閱其名籍戶二百四十五萬八
千九百六十九口九千九百九十八萬七千九百三
十五徙關東豪傑及諸雜夷十萬口於關中平燕定
文獻通考 卷二十 戶口 五

蜀之後僞代之盛也時關隴清宴百姓豐樂自長安
至於諸州二十里一亭四十里一旅行者取給於途

工賈資販於道

孝武帝太元二年除度定田收租之制公王以下口稅
三斛唯蠲在身之役

八年又增稅米五石

南燕主慕容備德優遷徙之民使之長復不役民緣
此迭相蔭冒或百室合戶或千丁共籍以避課役尙
書請加隱覈從之得蔭戶五萬八千

宋武帝北取南燕平廣固 今北海郡 西滅姚秦平關洛長河

以南盡爲宋有帝素節儉文帝勵精勤民元嘉之治比於文景國富兵強更務遠略師徒覆敗江左虛耗今按本史孝武大明八年戶九十萬六千八百七十口四百六十八萬五千五百一

宋文帝元嘉中始興太守孫豁上表曰武吏年滿十六便課米六十斛五十以下至十三皆課三十斛一戶內隨丁多少悉皆輸米且十三兒未堪田作或是單迴便自逃匿戶口之減實此之由宜更量課限使得存立今若減其米課雖有交損考之將來理有深益詔善之

按漢以前田賦自爲田賦戶口之賦自爲戶口之

文獻通考

卷下

戶口

四

賦魏晉以來似始混而賦之所以晉孝武時除度定田收租之制只口稅三斛增至五石而宋元嘉時乃至課米六十斛與晉制懸絕殊不可曉豈所謂六十斛者非一歲所賦邪當考

宋孝武帝大明五年制天下人戶歲輸布四尺

孝武大明中王敬弘上言舊制人年十二半役十六全役當以十三以上能自營私及公故以充役考之見事猶或未盡體有強弱不皆稱耳循吏恤隱可無甚患庸愚守宰必有勤劇況值苛政豈可稱言至今逃竄求免胎孕不育乃避罪憲實亦由茲今皇化維新四方無事

役名之宜應存消息十五至十六宜爲半丁十七爲全丁帝從之

齊氏六主年代短促其戶口未詳

齊自永元以後魏每來伐繼以內難揚徐二州人丁三人取兩以此爲率遠郡悉令上米準行一人五十斛輸米既畢就役如故又先是諸郡役人多依人士爲附隸謂之屬名又東境役苦百姓多注籍詐病遣外醫巫在所檢占諸屬名并取病身凡屬名多不合役往往所在竝是復蔭之家凡注病者或以積年皆攝充將役又追責病者租布隨其年歲多少銜命之人皆務貨賂隨意

文獻通考

卷之十

戶口

五

縱捨

梁武之初亦稱爲治後侯景逆亂竟以幽斃元帝纔及三年便至覆滅墳籍亦同灰燼戶口不能詳究

陳武帝荊州之西旣非我有淮肥之內力不能加宣帝勤恤民隱時稱令主閱其本史戶六十萬而末年窮兵黷武遠事經略吳明徹全軍隻輪不返銳卒殲焉至後主亡時隋家所收戶五十萬口二百萬

後魏起自陰山盡有中夏孝文遷都河洛定禮崇儒明帝正光以前時惟全盛戶口之數比夫晉太康倍而餘

矣

按太康平吳後戶二百四十五萬九千八百口千六百一十六萬三千八百六十三云倍而餘是其盛時則戶有至五百餘萬矣

道武帝時詔採諸漏戶合輸綸縣自後諸逃戶占爲紬繭羅穀者甚衆於是雜營戶師徧於天下不隸守宰賦役不同戶口錯亂景穆帝卽位一切罷之以屬郡縣

按人戶之以輸財別爲戶計不隸郡縣其事始此

魏令每調一夫一婦帛一疋粟二石

詳見田賦門

爾朱之亂政移臣下分爲東西權臣擅命戰爭不息人戶流離官司文簿散棄今按舊史戶三百三十七萬五千三百六十八

文獻通考

卷千

戶口

去

其時以征伐不息唯河北三數大郡多千戶以下復

通新附之郡小者戶纔二十口百而已

齊神武秉政乃命孫騰高崇之分責無籍之戶得六十餘萬於是僑居者各勒還本籍是後租調之入有加焉北齊承魏末喪亂與周人抗衡雖開拓淮南而郡縣徧小文宣受禪性多暴虐及武成後主俱是僻王至崇化三年爲周所滅有戶三百三萬二千五百二十八口二十萬六千八百八十

北齊武成清河三年乃令男子十八以上六十五以下

爲丁十六以上十七以下爲中丁六十六以上爲老十五以下爲小

後周閔明二主俱以弑崩武帝誅權臣擥庶政恭儉節用考覈名實五六年內平蕩燕齊嗣子昏虐亡不旋踵大象中有戶三百五十九萬口九百萬九千六百四周制司役掌力役之政令凡人自十八至五十九皆任於役豐年不過三旬中年則二旬下年則一旬起徒役無過家一人有年八十者一子不從役百年者家不從役廢疾非人不養者一人不從役若凶札亦無力征

隋文帝頒新令男女三歲以下爲黃十歲以下爲小十文獻通考

卷千

戶口

七

七歲以下爲中十八歲以上爲丁以從課役六十爲老乃免開皇三年乃令人以二十一成丁煬帝卽位戶口益多男子以二十二爲丁高頰奏人間課稅雖有定分年恆徵納除注常多長吏肆情文帳出沒旣無定簿難以推校乃輸籍之樣請徧下諸州每年正月五日縣令巡人各隨近五黨三黨共爲一團依樣定戶上下帝從之自是姦無所容

通典論曰隋受周禪至大業二年有戶八百九十萬蓋承周齊分據暴君慢吏賦重役勤人不堪命多依豪室禁網墮廢姦僞尤滋高頰觀流冗之病

建輸籍之法於是定其名輕其數使人爲浮客被強家收太半之賦爲編氓奉公上蒙輕減之征浮客悉自歸於編戶隋代之盛由此

東坡蘇氏曰古者以民之多寡爲國之貧富故管仲以陰謀傾魯梁之民而商鞅亦招三晉之人以併諸侯當周之盛時其民物之數登於王府者蓋拜而受之自漢以來丁口之蕃息與倉廩府庫之盛莫如隋其貢賦輸籍之法必有可觀者然學者以其得天下不以道又不過再世而亡是以鄙之而無傳焉孔子曰不以人廢言而況可以廢一代之良法乎文帝之初有戶三百六十餘萬平陳所得又五十萬至大業之始不及二十年而增至八百九十餘萬者何也方是時布帛之積至於無所容資儲之在天下者至不可勝數及其敗亡塗地而洛口諸倉足以致百萬之衆豈可少哉

文獻通考

卷十

戶口

六

文帝恭儉爲治不加賦於人煬帝大業二年戶八百九十萬七千五百三十六口四千六百一萬九千九百五

十六此隋之極盛也

後周靜帝時有戶三百九十九萬九千六百四十四至開皇九年平陳得

戶五十萬及是纔二千九百二十二年直

增四百八十萬七千九百二十二

煬帝承其全盛遂恣荒淫建洛邑每月役丁二百萬人

導洛河及淮北通涿郡築長城東西千餘里皆徵百萬
餘人丁男不充以婦女充役而死者大半天下之人十
分九爲盜賊以至於亡

大業五年民部侍郎裴蘊以民間版籍脫漏戶口及詐
注老少尙多奏令貌閱若一人不實則官司解職又許
民糾得一丁者令被糾之家代輸賦役是時諸郡計帳
進丁二十四萬三千新附口六十四萬一千五百帝臨
朝覽狀曰前代無賢才致此罔冒今戶口皆實全由裴
蘊由是漸見親委

唐制民始生爲黃四歲爲小六爲中二十一爲丁六十

文獻通考

卷千

戶口

五

爲老

授田法見
田賦門

定天下戶量其資產定爲三等後詔三等未定升降

宜爲九等 凡丁附籍帳者春附則課役並征夏附

則免課從役秋附則課役俱免

其冒詐隱避以免課
役者不限附之早晚

皆征 制每歲一造帳三年一造籍州縣留五比尙書

省留三比

唐貞觀戶不滿三百萬三年戶部奏中國人因塞外來
歸及突厥前後降附開四夷爲州縣獲男子一百二十
餘萬口侯君集破高昌得三郡五縣二十二城戶八千
四十六口萬七千三十一馬千三百匹永徽元年戶部

奏去年進戶一十五萬通天下戶三百八十萬

致堂胡氏曰方隋之盛也郡縣民戶尙版圖者八百九十餘萬自李密王竇爲倡而山東盡爲盜區是後四方竝興擁衆十數萬而加多者垂五十餘黨以郡縣反者尙不與焉至唐武德六十年閒蓋干戈雲擾狼吞虎噬者十三四年而後內盜悉平後二年太宗卽位貞觀仁義之治興休息生養至高宗永徽三年天下樂業阜生將一世矣有司奏戶口纔及三百八十萬然則略會之隋氏極盛之民經離亂之後十存不能一二皆起於獨孤后無關雎之德廢長立少而其禍至此也

文獻通考

卷下

戶口

下

總章元年司空李勣破高麗國虜其王下城百七十戶六十九萬七千二百配江淮以南山南京西

證聖元年鳳閣舍人李嶠上表曰臣聞黎庶之數戶口之衆而條貫不失按此可知者在於各有管統明其簿籍而已今天下流散非一或違背軍鎮或因緣逐糧苟免歲時偷避徭役此等浮衣寓食積歲淹年王役不供簿籍不挂或出入關防或往來山澤非直課調虛蠲關於恆賦亦自誘動愚俗堪爲禍患不可不深慮也或逃亡之戶或有檢察卽轉入他境還行

自容所司雖具設科條頒其法禁而相看爲例莫適
遵承縱欲糾其愆違加之刑罰則百州千郡庸可盡
科前旣依違後仍積習檢獲者無賞停止者獲原浮
逃不悛亦由於此今縱更摻檢委之州縣則還襲舊
蹤卒於無益臣以爲宜令御史督察檢校設禁令以
防之垂恩德以撫之施權衡以御之爲制限以一之
然後逃亡可還浮寓可絕所謂禁令者使閭閻爲保
遞相覺察前乖避皆許自新仍有不出輒聽相告每
糾一人隨事加賞明爲科目使知勸沮所謂恩德者
逃亡之徒久離桑梓糧儲空闕田野荒廢卽當賑其

文獻通考

卷之十

戶口

三

乏少助其修營雖有缺賦懸徭背軍離鎮亦皆舍而
不問寬而勿征其應還家而貧乏不能致者乃給程
糧使達本貫所謂權衡者逃人有絕家去鄉失離本
業心樂所住情不願還聽於所在隸名卽編爲戶夫
願小利者失大計存近務者喪遠圖今之議者或不
達於變通以爲軍府之地戶不可移關輔之人質不
可改而越關繼踵背府相尋是開其逃亡而禁其割
隸也就令逃亡者多不能總計割隸猶當計其戶等
量爲節文殷富者令還貧弱者令住檢責已定計料
已明戶無失編人無廢業然後按前躅申舊章嚴爲

防禁與人更始所謂限制者逃亡之人應自首者以符到百日爲限限滿不出依法科罪遷之邊州如此則戶無所遣人無所匿矣

武后神龍元年戶六百三十五萬六千一百四十一

萬歲通天元年敕天下百姓父母令外繼別籍者所析之戶竝須與本戶同不得降下其應入役者共計本戶丁中用爲等級不得以析生蠲免

元宗開元十四年戶七百六萬九千五百六十五

八年宇文融請括籍外逃戶羨田從之

見田賦門

按開元二十五年戶令云諸戶主皆以家長爲之戶

文獻通考

卷之十

戶口

三

內有課口者爲課戶無課口者爲不課戶諸視流內九品以上官及男年二十以上老男廢疾妻妾部曲客女奴婢皆爲不課戶無夫者爲寡妻妾餘準舊令諸年八十及篤疾給侍一人九十二人百歲五人皆盡子孫聽取先親皆先輕色無近親外取白丁者人取家內中男者竝聽諸以子孫繼絕應析戶者非年十八以上不得析卽所繼處有母在雖小亦聽析出諸戶欲析出口爲戶及首附口爲戶者非成丁皆不合析應分者不用此令諸戶計年將入丁老疾應徵免課役及給侍者皆縣令貌形狀以爲定簿一定以

後不須更貌若有姦欺者聽隨事貌定以附於實
九年制天下雖三載定戶每載亦有團貌自今以後
計其轉年合入中丁成丁五十者任追團貌

天寶十三載戶九百六十一萬九千二百五十四

通典天寶十四載管戶總八百九十一萬九千三百
九應不課戶三百五十六萬五千五百應課戶五百
三十四萬九千二百八管田總五千二百九十一萬
九千三百九不課口四千四百七十萬九百八十八
課口八百二十萬八千三百二十一唐之極盛也

三載更令民十八以上爲中男二十三以上成丁又

文獻通考

卷五

戶口

三

制如聞百姓或有戶高丁多苟爲規避父母見在別
籍異居宜令州縣勘會一家有十丁以上放兩丁征
行賦役五丁以上者放一丁卽令同籍共居以敦風
化如更犯者準法科罪

通典曰我國家自武德初至天寶末凡百三十八
年可以比崇漢室而人戶纔比於隋氏蓋有司不
以經國馭遠爲意法令不行所在隱漏之甚也

愚論

見田賦門

致堂胡氏曰世有博古者言自古人主養民至一
千萬戶則止矣三代以上無根據者兩漢而後誠

未有溢於一千萬戶明皇幾之矣繁夥既甚理復虧耗豈人力所能遏哉是以數言亦然亦不然也然者以漢文景而武帝繼之以隋高祖而煬帝繼之以明皇而祿山出焉不然者堯舜禹啓太平凡三百餘年周成王身致刑措康王穆王昭王嗣守丕業太平亦二百餘年豈與後世中國無事之時淺促之比也然則唐虞夏周之民豈止一千萬戶而已哉養之既至教之又備無天札瘥及兵革殺戮之禍父子祖孫連數十世爲太平之民王者代天理物於是爲盡矣明皇享國雖久戶口雖多不待易世而身自毀之比禍亂稍平幾去其半徒以內有一楊太真外有一李林甫而致之嗚呼可不監哉可不監哉

肅宗至德二載戶八百一萬八千七百一

乾元三年戶一百九十三萬三千一百二十五

敕逃亡戶不得輒徵親近及鄰保務從減省要在安存又敕應有逃戶田宅竝須官爲租賃取其價直以充課稅逃人歸復宜竝卻還所由亦不得稱負欠租賦別有追索

通典乾元三年見到帳百六十九州應管戶總百九

十三萬三千一百三十四不課戶總百一十七萬四千五百九十二課戶七十五萬八千五百八十二管口總千六百九十九萬三百八十六不課口千四百六十一萬九千五百八十七課口二百三十七萬七百九十九自天寶十四載至乾元三年損戶總五百二十八萬八千七百二十三

愚嘗論漢以後以戶口定賦故雖極盛之時而郡國所上戶口版籍終不能及三代兩漢之數蓋以避賦重之故遞相隱漏且疑天寶以上戶不應不

文獻通考

卷千

戶口

五

課者居三分之一有奇今觀乾元戶數則不課者反居其大半尤爲可笑然則是豈足憑乎

詳見田賦門

代宗廣德二年戶二百九十三萬三千一百二十五

詔一戶三丁者免一丁凡畝稅二升男子二十五爲成丁五十五爲老以優民 二年敕如有浮客願編

附請射逃人物業者便準式據丁口給授如二年以上種植家業成者雖本主到不在却還限任別給授大歷元年制逃戶復業者給復二年如百姓先賣田宅盡者宜委本州縣取逃死戶田宅量丁口充給

德宗建中元年定天下兩稅戶凡三百八十萬五千七

通典主戶百八十餘萬客戶百三十餘萬

通典論曰昔賢云倉廩實知禮節衣食足知榮辱

夫子適衛冉子僕曰美哉庶矣既庶矣又何加焉

曰富之既富矣又何加焉曰教之故知國足則政

康家足則教從反是而理者未之有也夫家足不

在於逃稅國足不在於重斂若逃稅則不土著而

人貧重斂則多養贏而國貧不其然矣管子曰以正戶籍

之養贏贏者大賈蓄家也正數之戶既避其賦三則至浮浪以大賈蓄家之所役屬自收其利也

王以前井田定賦秦革周制漢因秦法魏晉以降

文獻通考

卷十

戶口

五

名數雖繁亦有良規不救時弊昔東晉之宅江南

也慕容符姚迭居中土人無定本傷理為深遂有

庚戌土斷之令財豐俗阜實由於茲其後法制廢

弛舊弊復起義熙之際重舉而行已然之效著在

前志隋受周禪得戶三百六十萬開皇九年平陳

又收戶五十萬洎於大業二年干戈不用唯十八

載有戶八百九十萬矣自平陳後又加其時承西

魏喪亂周齊分據暴君慢吏賦重役勤人不堪命

多依豪室禁網墮紊姦偽尤滋高頰觀流宄之病

建輸籍之法於是定其名輕其數使人知為浮客

被强家收大半之賦爲編氓奉公上蒙輕減之征
浮客謂避公稅依强家作佃家也荀悅論曰公家
之惠優於三代豪强之暴酷於亡秦是惠不下通
威福分於豪人也高頴設輕稅之法浮
戶悉自歸於編戶隋代之盛實由於此先敷其信
後行其令烝庶懷惠姦無所容隋氏資儲偏於天

下人俗康阜頰之力焉國家貞觀中有戶三百萬
至天寶末百三十餘年纔如隋氏之數聖唐之盛

邁於西漢約計天下編戶合逾元始之間而名籍

所少三百餘萬

貞觀以後加五百九十萬其時夫
下戶都有八百九十餘萬也漢武

黷兵人口減半末年追悔方息征伐其後至平帝
元始二年經七十餘載有戶千二百二十餘萬唐
百三十餘年中雖時起兵戎都不至減耗而浮浪
日衆版圖不收若比量漢時實合有加數約計天

文獻通考

卷千

戶口

七

下人戶少猶可有
千三四百萬矣直以選賢授任多在藝文才與

職乖法因事弊墮循名責實之義闕考言詢事之

道習程典親簿領謂之淺俗務根本去枝葉日以

迂濶職事委於郡胥貨賄行於公府而至此也自

建中初天下編氓百三十萬賴分命黜陟重爲按

比收入公稅增倍而餘諸道加出百八十萬
共得三百一十萬遂令

賦有常規人知定制貪冒之吏莫得生姦狡猾之

氓皆被其籍誠適時之令典拯弊之良圖

舊制百
姓備上

上計丁定庸調及租其稅戶雖兼出王公以下比
之二三十分唯一耳自兵興以後經費不充於是
徵斂多名且無常數貪吏橫恣因緣爲姦令法莫
得檢制烝庶不知告訴其丁狡猾者卽多規避或

假名人任或拓迹爲信或占募軍伍或依倚豪族兼諸色役萬端蠲除鈍劣者卽被徵輸因竭日甚建中新令竝入兩稅常額既立而後使臣置制各殊加益莫由浮浪悉收規避無所或有輕重未一仍屬多故兵革洊興舊額旣在見

人漸艱詳今日之宜酌晉隋故事版圖可增其倍征繕自減其半賦旣均一人知稅輕免流離之患

益農桑之業安人濟用莫過於斯矣計諸薄帳所收可有二百

五十餘萬戶按歷代戶口多不過五少不減三約計天下除有兵馬多處食鹽足知見在之數者采

晉隋舊典制置可得五百萬矣以五百萬戶共黜二百五十萬戶稅自然各減數古之爲

理也在於周知人數乃均其事役則庶功以興國

富家足教從化被風齊俗一夫然故災沴不生悖

文獻通考

卷二十一

戶口

元

亂不起所以周官有比閭族黨州鄉縣遂之制維

持其政綱紀其人孟冬司徒獻民數於王王拜而

受之其敬之守之如此之重也及理道乖方版圖

脫漏人如鳥獸飛走莫制家以之乏國以之貧姦

宄漸興傾覆不悟斯政之大者遠者將求理平之

道非無其本歟

憲宗元和時戶二百四十七萬三千九百六十三

史官李吉甫撰元和國計簿十卷總計天下方鎮凡

四十八道管州府二百九十三縣一千四百五十三

見定戶二百四十四萬二千五百五十四其鳳翔鄜坊銀
寧鎮武涇原銀

夏靈鹽河東易定魏博鎮翼范陽滄景淮西 每歲賦
淄清十五道七十一州並不申戶口數目
入倚辦止於浙西浙東宣歙淮南江西鄂岳福建湖
南等道合四十州一百四十萬戶比量天寶供稅之
戶四分有一天下兵戎仰給縣官八十三萬餘人比
量士馬三分加一率以兩戶資一兵其他水旱所損
徵科妄斂又在常役之外

六年制自定兩稅以來刺史以戶口增損爲其殿最
故有析戶以張虛數或分產以繫戶兼招引浮客用
爲增益至於稅額一無所加徒使人心易搖土著者
寡觀察使嚴加訪察必令詣實

文獻通考

卷十

戶口

三

衡州刺史呂溫奏當州舊額戶一萬八千四百七除
貧窮死絕老幼單獨不支濟外堪差科戶八千二百
五十七臣到後團定戶稅次檢責出所由隱藏不輸
稅戶一萬六千七百昨尋舊案詢問閭里承前徵稅
竝無等第又二十餘年都不定戶存亡孰察貧富不
均臣不敢因循設法團定檢獲隱戶數約萬餘州縣
竝不會科徵所由已私自斂率與其潛資於姦吏豈
若均助於疲人臣請作此方圓以救彫瘵庶得下免
偏苦上不缺供敕旨宜付所司

庫部員外郎李渤上言臣過渭南長源鄉舊四百戶

今纔百戶闐鄉縣舊三千戶今纔千戶他處皆然蓋由聚斂之臣剝下媚上惟思竭澤不慮無魚故也執政惡之渤海病免

致堂胡氏曰天寶初戶幾一千萬元和初合方鎮有戶百四十四萬是十失其八也憲宗急於用兵則養民之政不得厚重以用昇鑄聚斂受諸道貢獻百姓難乎其阜蕃矣

穆宗長慶時戶三百九十四萬四千五百九十五
敬宗寶歷時戶三百九十七萬八千九百八十二

文宗開成四年戶四百九十九萬六千七百五十二

文獻通考

卷二十

戶口

三

唐食貨志天寶戶數通以二戶養一兵長慶以後率三戶養一兵

詳見國用門

武宗會昌時戶四百九十五萬五千一百五十一

會昌元年正月制安土重遷黎民之性苟非難窘豈至流亡將欲招綏必在資產諸道頻遭災沴州縣不爲申奏百姓輸納不辦多有逃移長吏懼在官之時破失人戶或恐務免征稅減剋料錢祇於見在戶中分外攤配亦有破除逃戶桑地以充稅錢逃戶產業已無歸還不得見戶每年加配流亡轉多自今以後

應州縣開成五年已前觀察使刺史差強明官就鄉

村詣實檢會桑田屋宇等仍勒令長加檢校租佃與人勿令荒廢據所得與納戶內征稅有餘卽官爲收貯待歸還給付如欠少卽與收破至歸還日不須徵理自今以後二年不歸復者卽仰縣司召人給付承佃仍給公憑任爲永業其逃戶錢草斛斗等計畱使錢物合十分中三分已上者竝仰於當州當使雜給用錢內方圓權落下不得尅正員官吏料錢及館驛使料遞乘作人課等錢仍任大戶歸還日漸復元額大中二年正月制所在逃戶見在桑田屋宇等多是暫時東西便被鄰人與所由等計會推云代納稅錢

文獻通考

卷二十一

戶口

三

悉將斫伐毀墉及願歸復多已蕩盡因致荒廢遂成閑田從今已後如有此色勒村老人與所由并鄰近等同檢勘分明分析作狀送縣入案任鄰人及無田產人且爲佃事與納稅如五年內不來復業者便任佃人爲主逃戶不在論理之限其屋宇桑田樹木等權佃人逃戶未歸五年內不得輒有毀除斫伐如有違犯者據根口量情科責并科所由等不檢校之罪會昌五年天下所還俗僧尼二十六萬五千餘人奴婢爲兩稅戶十五萬人

周廣順三年敕天下縣邑素有差等年代旣深增損不

一其中有戶口雖衆地望則卑地望雖高戶口至少每至調集不便銓衡宜立成規庶協公共應天下州府及縣除赤縣畿縣次赤次畿外其餘三千戶以上爲望縣二千戶以上爲緊縣一千戶以上爲上縣五百戶以上爲中縣不滿五百戶爲中下縣宜令所司據今年天下縣戶口數定望緊上中下次等奏聞戶部據今年諸州府所管縣戶數目合定爲望縣六十四緊縣七十一縣一百二十四中縣六十五下縣九十七

文獻通考

卷之十

戶口

三

文獻通考卷第十一

鄗陽馬端臨貴與著

戶口考二

歷代戶口丁中賦役

宋太祖皇帝建隆元年戶九十六萬七千三百五十三
乾德元年平荆南得戶十四萬二千三百湖南平得戶
九萬七千三百八十八

三年蜀平得戶五十三萬四千二十九

開寶四年廣南平得戶十七萬二百六十三

八年江南平得戶六十五萬五千六十五

文獻通考

卷十一

戶口

一

九年天下主客戶三百九萬五百四

此繫會要所載本年主客戶數如前行所載開寶

八年平江南以前戶數出通鑑長編通算只計二

百五十六萬六千三百九十八與會要不合當考

詔更定縣望以戶四千以上爲望次爲緊爲上爲中爲

中下凡五等

乾德元年令諸州歲奏男夫二十爲丁六十爲老女口

不預

開寶四年詔曰朕臨御以來憂恤百姓所通鈔人數目

尋常別無差徭只以春初修河蓋是與民防患而聞豪

要之家多有欺罔併差貧闕豈得均平特開首舉之門
明示賞罰之典應河南大名府宋亭宿領青徐兗鄆曹
濮單蔡陳許汝鄧濟衛淄濰濱棣滄德具冀澶滑懷孟
磁相邢洺鎮博瀛莫深楊泰楚泗州高郵鄆所鈔丁口
宜令逐州判官縣令佐子細通檢不計主戶牛客小客
盡底通鈔差遣之時所冀共分力役敢有隱漏令佐除
名典史決配募告者以犯人家財賞仍免三年差役
太宗雍熙元年令江浙荆湖廣南民輸丁錢以二十成
丁六十入老并身有疾廢者免之

至道元年詔復造天下郡國戶口版籍

文獻通考

卷十一

戶口

二

自唐末四方兵起版籍亡失故戶稅賦莫得周知至
是始命復造焉

至道三年天下主客戶四百一十三萬二千五百七十

六

眞宗大中祥符四年詔除兩浙福建荆南廣南舊輸身
丁錢凡四十五萬四百貫

三司使丁謂言東封及汾陰賞賜億萬加以蠲復諸
路租賦除免口算聖澤寬大恐有司經費不給上曰
國家所務正爲澤及下民但敦本抑末節用謹度自

然富足

初湖廣閩浙因僞國舊制歲斂丁身錢米所謂丁口之賦大中祥符間詔除丁錢而米輸如故至天聖中婺秀二州猶輸丁錢轉運司以爲言乃除之其後龐籍請罷漳泉州興化軍丁米有司持不可皇祐三年帝命三司首減潭永桂陽監丁米以最下數爲準歲減十餘萬石旣而漳泉興化軍亦第損之嘉祐四年復命轉運司裁定郴永桂陽與道衡二州所輸丁米及錢絹雜物無業者弛之存業者減半後雖進丁而復增取時廣南猶或輸丁錢亦命轉運司條上自是所輸無幾矣

文獻通考

卷五

戶口

三

天禧五年天下主客八百六十七萬七千六百七十七口一千九百九十三萬三百二十

詔諸州縣自今招來戶口及創居入中開墾荒田者許依格式申入戶口籍無得以客戶增數舊制縣吏能招增戶口縣卽申等仍加其俸緡至有析客戶者雖登於籍而賦稅無所增入故條約之

仁宗天聖七年天下主客戶一千一十六萬二千六百八十九口二千六百五萬四千二百三十八

慶歷八年天下主客戶一千七十二萬三千六百九十五口二千一百八十三萬六千四百

嘉祐八年天下主客戶一千二百四十六萬二千三百一十七口二千六百四十二萬一千六百五十一英宗治平三年天下主客戶一千二百九十一萬七千二百二十一口二千九百九萬二千一百八十五神宗熙寧八年天下主客戶一千五百六十八萬四千五百二十九口二千三百八十萬七千一百六十五

湖廣承偽政舊輸丁米大中祥符以後屢裁損猶不均四年詔屯田員外郎周之純往廣東相度均之

元豐二年七月提舉廣西常平劉誼言廣西一路戶

口二十萬而民出役錢至十九萬緡先用稅錢數出

文獻通考

卷五十一

戶口

四

稅數不足又敷之田米田米不足復算於身丁夫廣西之民身之有丁也既稅以錢又算以米是一身而輸二稅殆前世弊法今既未能蠲除而又益以役錢甚可憫也至於廣東西監司提舉司吏一月之給上同令錄下倍攝官乞裁損其數則兩路身丁田米亦可少寬遂詔月給錢遞減二千歲遂減一千二百餘

緡

按廣南丁錢史所載大中祥符閒盡蠲之獨丁米未除今觀誼之言則尙有丁錢也作法於貪難革

而易復可畏哉

元豐六年天下主客戶一千七百二十一萬一千七百一十三口二千四百九十六萬九千三百

右以上繫國朝會要所載戶口數目今考元豐三年檢正中書戶房公事畢仲衍經進中書備對內載天下四京一十八路戶口主客數目微為不同又有各路細數今具錄於后

天下總四京一十八路戶主客一千四百八十五萬二千六百八十四

主一千一十萬九千五百四十二內四十一萬九千五百二十二戶元

供弓箭手僧院道觀山涇山團營典佃喬佃船居黎戶不分主客女戶今並附入主戶數

文獻通考

卷五十一

戶口

五

客四百七十四萬三千一百四十四內一萬五百二十二戶元供交

界浮居散戶蕃部無名目戶今並附入客戶數

口主客三千三百三十萬三千八百八十九

主二千三百四十二萬六千九百九十四內六十八萬三千八百

百八十三口元供弓箭手山榷童行僧道蜺船居黎戶今入主口數

客九百八十七萬六千八百九十五內一萬一百二十八口元供浮

居散戶今入客戶數

丁主客一千七百八十四萬六千八百七十三

主一千二百二十八萬四千六百八十五內二十九萬八千二百

百七十五口不分主客

客五百五十六萬二千一百八十八

東京開封府縣二十二 開封 祥符 陳畱 雍邱

襄邑 咸平 太康 扶溝 尉氏 鄆陵 中

牟 管城 新鄭 陽武 酸棗 長垣 封邱

白馬 韋城 胙城 東明 考城

戶主一十七萬一千三百二十四

口主二十九萬五千九百一十二客八萬五千一百

八十

丁主二十一萬二千四百九十三

京東路州一十五 兗 徐 曹 青 鄆 密 齊

文獻通考

卷五十一

戶口

六

濟 沂 登 萊 單 濮 濰 淄 淄 縣七十

八

戶主八十一萬七千九百八十三客五十五萬二千

八百一十七

口主一百六十六萬九百三客八十八萬五千七百

七十四

丁主九十五萬七千五百五十四客五十六萬五千

六百九十三

京西路州一十四 許 孟 陳 襄 鄧 隨 金

房 汝 蔡 郢 均 唐 穎

府一 河南 軍一 信陽 縣七十九

戶主三十八萬三千二百二十六客二十六萬八千
五百一十六

口主六十四萬四千七百五十七客四十五萬八千
一百三十

丁主四十萬七百四十客二十六萬九千六百二十
三

河北路州二十三 定 澶 相 恩 邗 滄 懷

衛 博 磁 洺 棣 深 瀛 雄 霸 祁

冀 趙 德 濱 莫 保 府二 大名 眞

文獻通考

卷十一

戶口

七

定 軍十一 永靜 乾寧 信安 廣信 安肅

保定 順安 保順 德清 永寧 北平 縣

一百四

戶主七十六萬五千一百三十客二十一萬九千六

十五

口主一百四十七萬三千六百八十三客四十萬七

千五百一

丁主七十七萬三千八百九十一客二十萬五千四

百六十七

陝府西路州二十六 陝 同 華 耀 幽 涇

秦 鄜 延 解 隴 成 鳳 號 坊 丹

階 商 寧 原 慶 渭 環 熙 岷 河

府 三 京 兆 鳳 翔 河 中 軍 六 慶 成 鎮 戎

保 安 康 定 通 遠 德 順 縣 一 百 一 十 八

戶 主 六 十 九 萬 七 千 九 百 六 十 七 客 二 十 六 萬 四 千

三 百 五 十 一

口 主 二 百 一 萬 五 千 四 百 三 十 六 客 七 十 四 萬 六 千

三 百 六 十 八

丁 主 一 百 六 萬 七 千 九 百 三 十 六 客 四 十 二 萬 五 千

六 百 五 十 一

文獻通考

卷五

戶口

八

河 東 路 州 十 四 潞 晉 麟 府 代 絳 隰

欣 汾 澤 憲 嵐 石 豐 府 一 太 原

軍 七 威 勝 寧 化 平 定 岢 嵐 火 山 保 德

吉 鄉 監 一 大 通 縣 七 十 三

戶 主 三 十 八 萬 三 千 一 百 四 十 八 客 六 萬 七 千 七 百

二 十 一

口 主 七 十 五 萬 二 千 三 百 一 客 一 十 三 萬 八 千 三 百

五 十 八

丁 主 三 十 七 萬 二 千 三 百 九 十 客 七 萬 七 千 四 百 六

十 二

淮南路州一十八揚壽廬宿濠和蘄

海楚舒泰泗亳光滁黃真

通軍一無為縣六十九

戶主七十二萬三千七百八十四客三十五萬五千

二百七十

口主一百三十九萬三千五百五十五客六十三萬

七千三百二十六

丁主

客

兩浙路州一十四杭越蘇潤湖婺明

常衢溫台秀睦處縣七十九

文獻通考

卷五

戶口

九

戶主一百四十四萬六千四百六客三十八萬三千

六百九十

口主二百六十萬五千四百八十四客六十一萬八

千二百一十五

丁主一百六十二萬九千五百三十二客二十九萬

八千二十七

江南東路州七宣歙江池饒信太平

府一江寧軍二廣德南康縣四十八

戶主九十萬二千二百六十一客一十七萬一千四

百九十九

口主一百六十萬九千六百一十二客二十八萬九千八百四十三

丁主一百一萬九千一百三十四客一十八萬六千二十七

江南西路州六 洪 虔 吉 袁 撫 筠 軍四

興國 建昌 臨江 南安 縣四十七

戶主八十七萬一千七百二十客四十九萬三千八百一十三

口主二百一萬六百四十六客一百六萬五千二百一

文獻通考

卷十一

戶口

十

丁主八十八萬四千三百二十九客三十八萬七百九十八

荆湖南路州七 潭 衡 永 郴 邵 全 道

監一 桂陽 縣三十三

戶主四十五萬六千四百三十一客三十五萬四千六百二十六

口主一百一十五萬三千八百七十二客六十七萬四千二百五十八

丁主六十二萬二千九百三十三客三十二萬二千

五百四十六

荆湖北路州九 鄂 安 岳 鼎 温 峽 歸

辰 沅 府一 荆南 縣四十五

戶主三十五萬五百九十三客二十三萬八千七百

九

口主七十萬二千三百五十六客五十萬九千六百

四十四

丁主二十八萬五千五百二十六客二十萬七千六

百二十四

福建路州六 福 建 泉 南劍 漳 汀 軍二

邵武 興化 縣四十五

文獻通考

卷五

戶口

七

戶主六十四萬五千二百六十七客三十四萬六千

八百二十

口主一百三十六萬八千五百九十四客六十七萬

四千四百三十八

丁主七十九萬七百一十九客五十六萬二百三十九

成都府路州一十二 眉 縣 漢 彭 蜀 嘉

邛 簡 黎 雅 茂 威 府一 成都 軍一

永康 監一 陵井 縣五十八

戶主五十七萬四千六百三十客一十九萬六千九

百三

口主二百七十八萬九千二百二十五客八十六萬四千五百二十三

丁主六十八萬五千二十客二十七萬七百二十四

梓州路州一十一 梓 遂 果 資 普 合 榮

渠 昌 戎 瀘 軍二 懷安 康安 監一

富順 縣四十九

戶主二十六萬一千五百八十五

口主八十八萬五千五百一客五十二萬八千二百

一十四

丁主三十七萬四千六百六十九客三十萬五十五

文獻通考

卷五

戶口

三

百二十九

利州路州九 利 闕 洋 文 劍 興 巴 蓬

龍 府一 興元 縣三十九

戶主一十七萬九千八百三十五客一十二萬二千

一百五十六

口主四十萬二千八百七十四客二十四萬五千九

百九十二

丁主一十九萬五千三百八十七客一十四萬四千

五百九十一

夔州路州九 夔 忠 萬 施 開 達 涪 渝

黔 軍三 雲安 梁山 南平 監一 大寧

縣三十一

戶主六萬八千三百七十五

口主二十一萬五千五百九十五客二十五萬二千

四百七十二

丁主一十四萬九千七十客一十七萬一千一十七

廣南東路州一十四 廣 詔 循 潮 連 南雄

英 賀 封 端 新 康 惠 南恩 縣四

十

戶主三十四萬七千四百五十九客二十一萬八千

文獻通考

卷七

戶口

七

七十五

口主八十一萬二千一百四十七客三十二萬二千

五百一十二

丁主七十三萬五千七百四十七客二十六萬二千

五十九

廣南西路州二十四 桂 容 邕 象 昭 梧

藤 龔 潯 貴 柳 宜 賓 橫 融 化

高 雷 白 欽 鬱林 廉 瓊 順 軍三

萬安 昌化 朱厓 縣六十

戶主一十六萬三千四百一十八客七萬八千六百

九十一

口至五十八萬四千六百四十一客四十七萬九百四十六

丁主二十七萬三千六百七十四客四十一萬九千三百一十六

哲宗元祐六年天下主客戶一千八百六十五萬五千九百三十四千一百四十九萬二千三百一十一元符二年天下主客戶一千九百七十一萬五千五百五十五口四千三百四十一萬一千六百六

徽宗崇寧元年天下主客戶共升戶三十萬三千四百文獻通考

卷十一

戶口

西

九十五口四十萬九千一百六十三增入元符元數計戶二千合一萬九千五十口四千三百八十二萬七百六十九

政和三年詳定九域圖志蔡攸何志同言本所取會天下戶口數類多不實且以河北二州言之德州主客戶五萬二千五百九十九而口纔六萬九千三百八十五霸州主客戶二萬二千四百七十七而口纔三萬四千七百一十六通二州之數率三戶四口則戶版刻隱不待校而知之乞詔有司申嚴法令務在覈實從之八月淮南轉運副使徐閔中言九域志

在元豐間主客戶共一千六百餘萬大觀初已二千九十一萬乞詔諸路應奏戶口歲終再令提刑提舉司參考同保從之

六年戶部言淮南轉運司申政和格知通令佐任內增收漏戶一千至二千戶常格一縣戶口多者止及三萬脫漏難及千戶少得應賞之人繇此不盡心推括看詳令佐任內增收漏戶八百戶升半年名次一千五百戶免試三千戶減磨勘一年七千戶減二年一萬二千戶減三年知通隨所管縣通理比令佐加倍從之

文獻通考

卷七

戶口

五

按以史傳考之則古今戶口之盛無如崇寧大觀之間然觀當時諸人所言則版籍殊欠覈實所紀似難憑覽者詳之

高宗紹興三十年天下主客戶一千一百三十七萬五千七百三十三口一千九百二十二萬九千八

紹興五年詔諸路經殘破州縣親民官到任據見存戶口實數批上印歷滿任日亦如之以考殿最

八年尚書劉大中奏自中原陷沒東南之民死於兵火疫癘水旱以至爲兵爲緇黃及去爲盜賊餘民之存者十無二三姦臣虐用其民誅求過數丁鹽紬絹

最爲疾苦愚民寧殺子而不願輸生女者又多不舉
民何以至是哉乞守令滿日以生齒增減爲殿最
又詔應州縣鄉村五等坊郭七等以下戶及無等第
貧乏之家生男女不能養贍者於常平錢內人支四
貫文省仍委守令勸諭父老曉譬禍福若奉行如法
所活數多監司保明推賞

孝宗乾道二年諸路主客戶一千二百三十三萬五千
四百五十口二千五百三十七萬八千六百八十四

淳熙八年臣僚言饑饉之時遺棄小兒爲人收養者
於法不在取認之限聽養子之家申官附籍依親子
文獻通考

卷十一

戶口

七

孫法昨葉夢得守潁昌歲大飢仍爲空名券坐上件
法印版付里胥凡有收養者給其券所全活甚衆乞
下州縣鏤版諭民通知

又詔申嚴建劍汀邵四州不舉子之禁

光宗紹熙四年諸路主客戶一千二百三十萬二千八
百七十三口二千七百八十四萬五千八十五
寧宗嘉定十六年諸路主客戶一千二百六十七萬八
百一口二千八百三十二萬八十五

兩浙路戶二百二十二萬三百二十一口四百二萬

九千九百八十九

江南東路戶一百四萬六千二百七十二口二百四十萬二千三十八

江南西路戶二百二十六萬七千九百八十三口四百九十五萬八千二百九十一

淮南東路戶一十二萬七千三百六十九口四十萬四千二百六十一

淮南西路戶二十一萬八千二百五十口七十七萬九千六百一十二

廣南東路戶四十四萬五千九百六口七十七萬五千六百二十八

文獻通考

卷五

戶口

七

廣南西路戶五十二萬八千二百二十口一百三十二萬一千二百七

荆湖南路戶一百二十五萬一千二百二口二百八十八萬一千五百六

荆湖北路戶三十六萬九千八百二十口九十萬八千九百三十四

福建路戶一百五十九萬九千二百一十四口三百二十三萬五百七十八

京西路戶六千二百五十二口一萬七千二百二十

一

成都府路戶一百一十三萬九千七百九十口三百一十七萬一千三

利州路戶四十萬一千一百七十四口一百一萬六千一百一十一

潼川府路戶八十四萬一千一百二十九口二百一十四萬三千七百二十八

夔州路戶二十萬七千九百九十九口二十七萬九千九百八十九

右國朝會要所載戶口南渡前無各路數目故以中書備對所書元封各路數編入而南渡後莫盛

文獻通考

卷五

戶口

六

於寧宗嘉定之時故備書之

身丁錢者東南淮浙湖廣等路皆有之自馬氏据湖

南始取永道郴州桂陽軍茶陵縣民丁錢絹米麥嘉

祐四年詔無業者與除放有業者減半然道州丁米每歲猶爲二千石人甚苦之紹興五年守臣趙坦請

以二分數於田畝一分數於民丁詔下其議漕司言

如此則貧民每丁當輸二斗有奇乞盡數於田畝言

者以爲太重請損其一分詔漕司相度

四月甲辰

六年樞

密院檢詳王迪又請兩路丁錢隨田稅帶納

八月己亥不

果行十四年知永州羅長源言於朝遂盡放湖南諸

郡丁錢

十月庚子

然上供椿數則如故後十餘年楊良佐

邦弼爲漕乃奏除之江東諸郡丁口鹽錢李氏有國

日所制也蓋以泰州及靜海軍

今通州

鹽貨計口俵散

收錢入官其後失淮南而鹽不可得既又令折縣絹

輸之民益以爲病明道二年范文正公爲江淮安撫

乞會一路主戶以見在鹽價於春時給鹽食用隨夏

稅送納價錢奏可其後謂之蠶鹽者此也兩浙身丁

錢者始未行鈔法以前歲計丁口官散蠶鹽每丁給

鹽一斗輸錢百六十有六謂之丁鹽錢皇祐中許民

以紬絹依時直折納謂之丁絹白鈔法既行之後鹽

文獻通考

卷五

戶口

九

盡通商而民無所給每丁仍增錢爲三百六十謂之

丁身錢大觀中始令三丁納絹一疋當時納賤未有

陪費其後物價益貴乃令每丁輸絹一丈縣一兩皆

取於五等下戶民甚病之建炎三年詔以一半折絹

一半納見錢

十一月丁未

於是歲爲絹二十四萬疋縣百

萬兩錢二十萬緡紹興初又用嚴守顏爲言曾得解

人免丁錢

三年四月甲午

二十五年上念浙民之困免了絹

錢縣一年以內府錢帛償戶部

八月己丑

乾道元年孝宗

以兩浙歲澇又免災傷郡邑身丁錢十三萬七千緡

絹十六萬三千疋皆有奇

二月癸卯

惟臨安以駐蹕所在

每三年一下詔除之歲滿復然至開禧元年十二月

御筆浙路身丁錢自今永與除免恩施浸博矣先是

紹興末呂公雅廣問爲浙漕以湖州丁絹多所隱漏

乃給申帖付民戶俾自排丁名得四十萬丁每丁爲

錢千四百絹八尺有奇

三十一年四月丁亥

明年守臣陳之茂

因請折絹以五千爲正仍止歲額爲定不以添丁而

增賦詔皆可之

正月丁巳

自是湖州以五丁科一疋矣未

幾又曾以七千爲一疋乾道八年余處恭爲烏程令

請於朝乞以七丁科一疋曾欽道秉政奏行之自是

爲例兩淮丁錢者不知所從始乾道末詔民戶一丁

文獻通考

卷十一

戶口

十一

充民丁者本名丁錢勿輸

七年八月丙辰

二廣丁錢亦不知

其所始廣西郡縣貧薄凡民間父祖年六十以上而

身丁未成者亦行科納謂之挂丁錢紹熙初詔令本

路監司約束

二年郊赦申明

大抵丁錢多僞國所創余嘗謂

唐之庸錢楊炎已均入二稅而後世差役復不免焉

是力役之征旣取其二也本朝王安石令民輸錢以

免役而紹興以後所謂耆戶長保正雇錢復不給焉

是取其三也合丁錢而論之力役之征蓋取其四矣

而一有邊事則免夫之令又不得免焉是取其五也

孟子曰有布縷之征有穀粟之征有力役之征用其

一緩其二用其二則民有殍用其三而父子離今布
縷之征有所折稅有和預買川路有激賞而東南有
丁絹是布縷之征三也穀粟之征有稅米有義倉有

和糴

川路謂
之勸糴

而斗面加耗之輸不與是穀粟之征亦

三也通力役之征而論之蓋用其十矣民安得不困
乎余惡夫世之俗吏不知財賦本末源流故以趣辦

爲能而撥其本也故詳錄其事以待上問而出焉

閩浙

湖廣丁錢在國初歲爲四十五萬緡
大中祥符四年七月嘗除之後又復

西漢戶口至盛之時率以十戶爲四十八口有奇東

漢戶口率以十戶爲五十二口可準周之下農夫唐

文獻通考

卷五

戶口

三

人戶口至盛之時率以十戶爲五十八口有奇可準
周之中次自本朝元豐至紹興戶口率以十戶爲二
十一口以一家止於兩口則無是理蓋詭名子戶漏
口者衆也然今浙中戶口率以十戶爲十五口有奇
蜀中戶口率以十戶爲二十口弱蜀人生齒非盛於
東南意者蜀中無丁賦於漏口少爾昔陸宣公稱租
庸調之法曰不校閱而衆寡可知是故一丁授田決
不可令輸二丁之賦非若兩稅鄉司能開闔走弄於
其間也自井田什一之後其惟租庸調之法乎

右二段繫建炎以來朝野雜記所載宋朝丁錢本

末及歷代戶口詳略之槩其考訂精核故書之

水心葉氏曰爲國之要在於得民民多則田墾而稅增役衆而兵強田墾稅增役衆兵強則所爲而必從所欲而必遂是故昔者戰國相傾莫急於致民商鞅所以壞井田開阡陌者誘三晉願耕之民以實秦地也漢末天下殫殘而三國爭利孫權撥山越之衆以爲民至於帆海絕徼俘執島居之夷而用之諸葛亮行師號爲秉義不妄虜獲亦拔隴上家屬以還漢中蓋蜀之亡也爲戶二十四萬吳之亡也爲戶五十餘萬而魏不能百萬而已舉天下之大不當全漢數郡之衆然則因民之衆寡爲國之強弱自古而然矣今天下州縣直以見入職貢者言之除已募而爲兵者數十百萬人其去而爲浮屠老子及爲役而未受度者又數十萬人若此皆不論也而戶口昌熾生齒繁衍幾及全盛之世其衆強富大之形宜無敵於天下然而偏聚而不均勢屬而不親是故無墾田之利無增稅之入役不衆兵不强反有貧弱之實見於外民雖多而不知所以用之直聽其自生自死而已而州縣又有因其丁中而裁取其絹價者此其意豈以爲民

不當生於王之土地而征之者歟夫前世之致民甚難待其衆多而用之有終不得者今欲有內外之事因衆多已成之民率以北向夫孰敢爭者而論者曾莫以爲意此不知其本之甚者也以臣計之有民必使之闢地闢地則增稅故其居則可以爲役出則可以爲兵而今也不然使之窮居樵賴無地以自業其駑鈍不才者且爲浮客爲傭力其懷利強力者則爲商賈爲竊盜苟得旦暮之食而不能爲家豐年樂歲市無貴糶而民常患夫斗升之求無所從給大抵得以稅與役自通於官者不能三之一有田者不自墾而能墾者非其田此其所以雖蕃熾昌衍而其上不得而用之也嗚呼亦其勢之有不得不然者矣夫吳越之地自錢氏時獨不被兵又以四十年都邑之盛四方流徙盡集於千里之內而衣冠貴人不知其幾族故以十五州之衆當今天下之半計其地不足以居其半而米粟穀帛之直三倍於舊雞豚菜茹樵薪之鬻五倍於舊田宅之價十倍於舊其便利上腴爭取而不置者數十百倍於舊蓋秦制萬戶爲縣而宋齊之閒山陰最大而難治然猶不過三萬而兩浙之

縣以三萬戶率者不數也夫舉天下之民未得其
所猶不足爲意而此一路之生聚近在畿甸之間
十年之後將以救之乎夫迹其民多而地不足若
此則其窮而無告者其上豈宜有不察者乎田無
所墾而稅不得增徒相聚搏取攘竊以爲衣食使
其俗貪淫詐靡而無信義忠厚之行則將盡棄而
魚肉之乎噫此不可不慮也漢之末年荆楚甚盛
不惟民戶繁實地著充滿而材智勇力之士森然
出於其中孫劉資之以爭天下及其更唐五代不
復振起今皆爲下州小縣乃無一士生其閒者而

閩浙之盛自唐而始且獨爲東南之望然則亦古
所未有也極其盛而將坐待其衰此豈智者之爲
乎且其土地之廣者伏藏狐兔平野而居虎狼荒
墟林莽數千里無聚落姦人亡命之所窟宅其地
氣蒸鬱而不遂而其狹者鑿山杆海槌決遺利地
之生育有限民之鋤耨無窮至於動傷陰陽侵敗
五行使其地力竭而不應天氣亢而不屬肩摩袂
錯愁居戚處不自聊賴則臣恐二者之皆病也夫
分閩浙以實荆楚去狹而就廣田益墾而稅益增
其出可以爲兵其居可以爲役財不理而自富此

當今之急務也而論者則又將日慮其因徙而變夫豈有不變之術而未之思乎抑聽其自變者乎
奴婢 備貨 品官占戶

周官大宰以九職任萬民八曰臣妾聚斂疏材九曰閒民無常職轉移執事

臣妾男女貧賤之稱轉徙執事若今傭賃也

酒人奚三百人

古者從坐男女沒入縣官爲奴其少才知以爲奚今之侍史官婢

漢高祖令民得賣子

五年詔民以饑餓自賣爲人奴婢者皆免爲庶人

文帝勸務農桑帥以儉節未有兼并之害故不爲民田

及奴婢爲限

文獻通考

卷五

戶口

三

賈誼曰歲惡不入請賣爵子又曰今人賣僮者爲之繡衣絲履偏諸緣納之閑中是古天子后服所以廟而不晏者也

鼂錯勸帝募民徙塞下募民以丁奴婢贖罪及輸奴

婢欲以拜爵者

女子緹縈願沒入爲官婢以贖父罪

四年免官奴婢爲庶人

武帝建元元年赦吳楚七國帑輸在官者

吳楚七國反時其首事者

妻子沒入爲官奴婢帝卽位哀而赦之

司馬相如傳卓王孫僮客八百人程鄭亦數百人

董仲舒說上曰宜少近古限民名田以贍不足塞兼并之路去奴婢除專殺之威不得專殺奴婢也

其後府庫並虛乃募民能入奴婢得以終身復為郎增

秩

楊可告緡徧天下告民匿緡錢不算者乃分遣御史廷尉正監分

曹郎治郡國緡錢得民財物以億計奴婢以千萬數其

沒入奴婢分諸苑養狗馬禽獸及與諸官官益雜置多

謂雜置官員分掌衆事徙奴婢衆而下河漕度四百萬石及官自

糴乃足

元帝時貢禹言官奴婢十餘萬游戲無事稅良民以給

文獻通考

卷十一

戶口

三

之宜免為庶人

杜延年坐官奴婢乏衣食免官

今按豪家奴婢細民為饑寒所驅而賣者也官奴

婢有罪而沒者也民以饑寒至於棄良為賤上之

人不能有以賑救之乃復效豪家兼并者之所為

設法令其入奴婢以拜爵復役是令饑寒之民無

辜而與罪隸等也況在官者十餘萬人而復稅良

民以養之則亦何益於事哉

成帝永始四年詔曰公卿列侯親屬近臣多蓄奴婢被

服綺縠其申飭有司以漸禁之

哀帝卽位詔曰諸侯王列侯公主吏二千石及豪富民多蓄奴婢田宅亡限其議限例有司條奏諸侯王奴婢二百人列侯公主百人關內侯吏民三十人年六十以上十歲以下不在數中諸名田畜奴婢過品皆沒入縣官官奴婢年五十以上免爲庶人

王莽名天下奴婢曰私屬不得買賣

光武建武二年五月詔曰民有嫁妻賣子欲歸父母者悉聽之敢拘執論如律紀下同

六年十一月詔王莽時吏人沒入爲奴婢不應舊法者皆免爲庶人

文獻通考

卷五十一

戶口

七

七年吏人遭饑亂及爲青徐賊所掠爲奴下妻欲去留者悉聽之敢拘制不還以賣人法從事

十一年詔曰天地之性人爲貴其殺奴婢不得減罪

八月癸亥詔曰敢灸灼奴婢論如律所灸灼者爲廢民十一月壬午詔除奴婢射傷人棄市律

十二年三月詔隴蜀民被掠爲奴婢自訟者及獄官未報一切免爲庶民

十三年十二月甲寅詔益州民自八年以來被掠爲奴婢者皆一切免爲庶民或依託爲人下妻欲去者悉聽之拘留者比青徐二州以掠人法從事

十四年十二月癸卯詔益涼二州奴婢自八年以來自訟在所官一切免爲庶民賣者無還直

殤帝延平元年詔諸官府郡國王侯家奴婢姓劉及疲癯羸老皆上其名務令實悉

安帝永初四年諸沒入爲官奴婢者免爲庶人

晉武帝平吳之後令王公以下得蔭人以爲衣食客及佃客官品第一第二者佃客無過五千戶三品十戶四品七戶五品五戶六品三戶七品二戶八品九品一戶

詳見職田門

晉元帝太興四年詔曰昔漢二祖及魏武皆免良人武

文獻通考

卷五

戶口

元

帝時涼州覆敗諸爲奴婢亦皆復籍此累代成規也其免中州良人遭難爲揚州諸郡僮客者以備征役

東晉寓居江左以來都下人多爲諸王公貴人左右佃客典計衣食客之類皆無課役官品第一第二佃客無過四十戶每品減五戶至第九品五戶其佃穀皆與大家量分其典計官品第一第二置三人第三第四置二人

第五第六及公府參軍殿中監監軍長史司馬部曲

督關外侯材官議郎以上一人皆通在佃客數中官品第六以上并得衣食客三人第七第八二人第九品舉

輦跡禽前驅強弩司馬羽林郎殿中虎賁持椎斧武騎

虎賁持鉞

色立反

宄從虎賁命中武騎一人其客皆注家

籍其課丁男調布絹各二丈絲三兩縣八兩祿絹八尺祿絲三兩二分租米五石丁女竝半之男年十六亦半課年十八正課六十六免課其男丁每歲役不過二十日其田畝稅米二升蓋大率如此其度量三升當一升稱則三兩當今一兩尺則一尺二寸當今一尺

按此卽漢人封君食邑戶之遺意然漢不過每戶歲賦二百錢而此所賦乃過重者蓋封君所得只是口賦而漢人有田者官別賦之晉以來人皆授田無無田之戶是以戶賦之入於公家及私屬皆重又一品所占不過四十戶非漢列侯動以千戶萬戶計者比也

文獻通考

卷十一

戶口

三

後魏令每調奴任耕婢任績者八口當未娶者四耕牛十頭當奴婢八詳見田賦門

孝文太和九年詔均天下人田諸男夫十五以上受露田四十畝婦人二十畝奴婢依良諸麻布之土男夫及課別給麻田十畝婦人五畝奴婢依良皆從還受之法

詳見田賦門

周武帝天和元年詔江陵人年六十五以上爲官奴婢者已令放免其公私奴婢年七十以外者所在官私贖

爲庶人

建德元年又詔江陵所獲俘虜充官口者悉免爲百姓
容齋洪氏隨筆曰元魏破江陵盡以所俘士民爲
奴無問貴賤蓋北方夷俗皆然也自靖康之後陷
於金虜者帝子王孫宦門仕族之家盡沒爲奴婢
使供作務每人一月支稗子五斗令自舂爲米得
一斗八升用爲餼糧茂支麻五把令緝爲裘此外
更無一錢一帛之入男子不能緝者則終歲裸體
虜或哀之則使執爨雖時負火得煖氣然才出外
取柴歸再坐火邊皮肉卽脫落不日輒死惟喜有
文獻通考 卷五十一 戶口
手藝如醫人繡工之類尋常只團坐地上以敗席
或蘆籍襯之遇客至開筵引能樂者使奏技酒闌
客散各復其初依舊環坐刺繡任其生死視如草
芥云

唐制凡反逆相坐沒其家爲官奴婢 反逆家男女及奴婢沒官皆謂之官

奴婢男年十四以下者配司農十五以上者以其年長令遠京師配嶺南爲城奴也 一免爲審戶

再免爲雜戶三免爲良人皆因赦宥所及則免之 凡免皆因

之恩言

顯慶二年敕放諸奴婢爲良及部曲客女者聽之皆由

家長手書長比見任之半其南口請以蜀蠻人 官奴

婢年六十以上及廢疾者並免賤

永昌元年越王正被誅家僮勝衣田者千餘人於是制王公已下奴婢有數

萬歲通天元年敕士庶家僮僕有驍勇者官酬主直並令討擊契丹

大足元年敕以北緣邊州縣不得畜突厥奴婢

天寶八載敕京畿及諸郡百姓有先是給使在私家驅使者限敕到五日內一切送內侍省其中有是南口及契券分明者各作限約定數驅使雖王公之家不得過二人其職事官一品不得過十二人二品不得過十人

文獻通考

卷五

戶口

三

三品不得過八人四品不得過六人五品不得過四人京文武清官六品七品不得過二人八品九品不得過一人其嗣郡王郡主縣主國夫人諸縣君等請各依本品同職事及京清資官處分其有別承恩賜不在此限其蔭家父祖先有者各依本蔭職減比見任之半其南口請以蜀蠻及五溪嶺南夷獠之類

大歷十四年詔邕府歲貢奴婢使之離父母之鄉絕骨肉之戀非仁也宜罷之

元和四年敕嶺南黔中福建等道百姓多被公私掠賣為奴婢宜令所在長吏切加捉擷并審細勘責委知非

良人百姓乃許交關犯者準法處分

八年敕嶺南諸道不得輒以良口餉遺販易

長慶元年詔禁登萊州及綠海諸道縱容海賊掠賣新

羅人口爲奴婢

四年敕諸司諸使各勘官戶奴婢有廢疾及年七十者

準格免賤從良

會昌五年中書門下奏天下諸寺奴婢江淮人數至多其閒有寺已破廢全無僧衆奴婢旣無衣食皆自營生洪潭管內人數倍多一千人以下五百人以上處計必不少竝放從良百姓旨依

文獻通考

卷五十一

戶口

三

大中九年禁嶺南諸州貨賣男女如有以男女傭賃與人貴分口食任於當年立年限爲約不得將出外界

昭宗大順二年敕天下州府及在京諸軍或因收虜百姓男女宜給內庫銀絹委兩軍收贖歸還父母其諸州府委本道觀察使取上供錢充贖不得壓良爲賤

後唐同光二年赦應百姓婦女俘虜他處爲婢妾者不得占畱一任骨肉識認

天成元年敕京城諸道若不是正口不得私書契券輒賣良人

周顯德五年新定刑統諠誘良口勾引逃亡奴婢與貨

賣所盜資裝者其誑誘句引之人伏請處死良口奴婢準律處分居停主人重斷或分受贓物至三疋以上處死將良口於蕃界貨賣居停主人知而不告官者亦處死

宋太祖皇帝開寶二年詔奴婢非理致死者卽時檢視聽其主速自收瘞病死者不須檢視

四年詔應廣南諸郡民家有收買到男女爲奴婢轉將傭雇以輸其利者今後竝令放免敢不如詔旨者決杖配流

淳化二年詔陝西沿邊諸郡先歲饑貧民以男女賣與

文獻通考

卷五

戶口

三

戎人宜遣使者與本道轉運使分以官財物贖還其父母

至道二年詔江南兩浙福建州軍貧人負富人息錢無以償沒入男女爲奴婢者限詔到竝令檢勘還其父母敢隱匿者治罪

眞宗咸平元年詔川陝路理逋欠官物不得估其家奴婢價以償

六年詔士庶家雇僕有犯不得黥其面

天禧三年詔自今掠賣人口入契丹界者首領竝處死誘致者同罪未過界者決杖黥配

大理寺言按律諸奴婢有罪其主不請官司而殺者杖一百無罪而殺者徒二年又諸條主毆部曲至死者徒一年故殺者加一等其有愆犯決罰至死及過失殺者勿論自今人家傭賃當明設要契及五年主因過毆決至死者欲望加部曲一等但不以愆犯而殺者減常人一等如過失殺者勿論從之

07548

文獻通考

卷五

戶口

五



